

Efesus Qurañ

Polji Efesus yoñore Qurañ ruaya.

Mimitaniñ buño

Polji Rom sitire witi pigo ñeku Efesus mañkekerisie kubu yoñore Qurañ yo qurañgaya. Efesus oi Eisia prowinsre siti qoruine. Siti ore maño rojiki-bajiki kokoine eba eku gobuñ. Polji misin gio baku roregako ateine yokaomo fukeko Efesus wareru gosa yokaomo oo Biñe buño miku goya. Efesus sitio Juda ñiñigo goine kae rauine yoñore botugo gobuñ ore Polji qurañ yo qurañgaru ini qaji yareya, “Kristoji kubu yoyoka qodureme mañkekerisie kubu moakon fukegobire.” (2.15-16), (3.6) Anutuji mañ anjiine eru yaunmoririine mañkekerisie kubu noñunde uruñ ruame pega, oi kokoine mitaniñgaga. (3.10) Ore soso buño yokaomo oi ini miya:

1. Mañkekerisie kufufuñ ñoñoji saki fu moakon fukebi Kristo inoyoñe qoruñañuñ fukega. (1.23; 4.15-16)

2. Mañkekerisie kufufuñ ñoñoji pi moakon oñuine fukebi Kristoji ñoñore otuñ sanañine fukega. (2.21-22)

3. Mañkekerisie kufufuñ ñoñoji ñigo biñe oñuine fukebi Kristoji ñoñañuñ fukega. (5.25-27) Oñuakon Kristoji Efesus ñoñore kubu yoyoka qodure yapeme ore eru saki fu moakon fukegobi. Tatamare ñiñigo fukebuñ ore gogoyañunde kaje-qouñ buñoine buñoine qurañgaya. Oñu.

Buk yoore mobe qoruine 4 oi inji:

Buṅo funfunḡaine 1.1-2

Kristo eru maṅkekerisie kufufunḡ 1.3–3.21

Kristoke gogo gariine 4.1–6.20

Qurande buṅo koruṅ qoruine 6.21-24

¹ Anutuji Pol noṅ maṅ aṅiinere so sore nuko Kristo Yesure aposol fukego. Maṅkekerisie ogop-une gbagbataeṅine Kristo Yesuke qakatoru Efesus sitio gogobi, nonji ṅoṅoke buṅo mi manekimiṅ ore quraṅ yo quraṅgago.*

² Anutu Mamanoṅuṅ eru Ofoṅ Yesu Kristo yokoji yaunmoriri ṅarebire womoo goinebi.

Kristoji Anuturre mifia noreega.

³ Noṅuṅ Ofoṅnoṅuṅ Yesu Kristore Mama Anutu mitenḡ gaekimiṅ. Inḡoji noṅuṅ Kristoke qakatok-abeneṅ maṅnoṅuṅji fiaṅgo ore Sombunde mifia eru yaun funḡe funḡe oi maṅnoṅuṅgo ruame go wapegobeneṅ. ⁴ Anutuji noṅuṅ bonieru ronere ronekoṅgo inji fukekimiṅ ore roosoe nobeya: Kristoji maṅgo enoreko noṅuṅ inḡore biṅe gbagbataeṅine fukeru Anuturre jinḡo maio bakare buṅonoṅuṅ tomiri dimakimiṅ. Onḡu roosoe noberu ore ṅadio Sombuṅ moreṅ bofukeru rua yapeya. Damaṅ oone akoṅ funḡaru ṅinḡigo manjoko enoreru go wapeya.

⁵ Manji jojoko enoreru maṅ aṅiinere so ronekoṅ mibuṅo buruine ruaru buṅonoṅuṅ inji mitariya: Yesu Kristoji maṅgo enoreko Anutuji oga nobeko inḡoyoṅunde odumadepu fukekimiṅ. ⁶ Yoro Madeine oi noṅunde ore soreme wakiru Anuturre

* **1:1:** Apo 18.19-21; 19.1

yaunmoririre usun kobiineke kisingaru furiine tomiri mo noreya. Nonun yaunmoririine ore eru Anutu miteŋ gainebeneŋ. ⁷ Anuture yaunmoririre rouŋ oi soguine yobu. Ore so Yesuji dariine keseru oiji duenoŋun baya. Oi bame ore eru Anutuji soine agiburanoŋun bokeru jure noreega.*

⁸ Inoji yaunmoririine oi rouŋineone boakon yobu keseme painoŋunŋo ropeya. Manŋboronine ropekiine sosowo ore so ini noreko mane taniŋgobeneŋ: ⁹ Anutuji rone inoyoŋunde maŋgo buŋo buru kiperu maneko fine fukeko buŋo buruine oi soŋsoŋgo peko mo go wapebuŋoŋ, Kristoji Anuture buŋo mire so boyoberu wakiru noŋun barariŋga noreme ŋoneru manebeŋ. ¹⁰ Anutuji ronekoŋ yaunmoriri buruine fune oi ini manesuya, “Anutu nonji buru oi boyoberu goku gobe damanine poretiŋ ware fukeme oo foriineke fukeko ini fukeiŋ: Sosowo Sombun eru morende koroin koroin oo me moreŋgo fukeru gogobi, nonji oi sosowo qodureru kipe yabebemiŋ eru Kristo igodonŋabe sosowo yoŋore qoru moakon fukeru goiŋ.”

¹¹ Anutuji ronekoŋ inoyoŋunde maŋ mamanan sure so buŋo kipeme pega, buru ore so bapakare buŋoine miko ya sosowo fukeega. Inoyoŋunde buru ore so rone Juda kufufun niŋo inoyoŋunde biŋe fukeru gokimiŋ ore mitariku igodon nobeya. Ore so goine noŋun Kristoke qakatokabeneŋ bomuku nobeko inore seŋiŋbaŋiŋ kuriri oi merofuine onuine raugaru gogobeneŋ. ¹² Juda kufufun niŋo Kristoji siŋan

* **1:7:** Kol 1.14

nobeiŋgo ore odigaru bonieru oori eteru go wapebeŋ, iŋoji noŋuŋ Anutire usuŋ kobiineke oi miteŋ gaku gokimiŋ ore eru roosoe nobeya.

¹³ Kotu moreŋ ŋoŋoreone goineji oŋuakon Kristoke jikigaru qakatobuŋ. Munanqoqore Bobiaŋ Biŋe mibi buŋo foriine oi maneru maŋ-ŋaŋuŋ kerisiebuŋ. Moro Tiriine iŋoji Anutire kobiinere moge soi fukega. Moro oi soreme wakiŋ ore buŋo kipeya, iŋoji oi maŋ-ŋaŋuŋgo ruame rakaya. Kristo manesiŋ gabi Anutuji mogeine sananiŋe oi bakato ŋabeko gogobi. ¹⁴ Anutuji kufufuŋpuine Sombunde seŋgiŋbaŋgiŋ kuriri noreinde buŋo kipeya, oi rokiminde moge Moro Tiriine oi rone rua noreya. Moro Tiriine maŋnoŋuŋgo ruame goga ore iŋi mane sanan gobeneŋ: Anutuji duenoŋuŋ baru biŋepuine fukebeneŋ jiki moreŋgone oga nobeko Sombuŋgo roperu seŋgiŋbaŋgiŋ bofukekiminŋ. Ore eru Anutire usuŋ kobiineke oi miteŋ gainebeneŋ. Oŋu.

Polji Anutu miteŋ garu iŋi oŋga wosiya:

¹⁵ Oŋu seŋgiŋbaŋgiŋ bofukekiminŋ ore eru nonji Efesus ŋoŋore oŋga wosiego. Noŋoji Ofoŋ Yesu damaŋ so manesiŋ garu ŋiŋigo gbagbataeŋine sosowo maŋ-ŋaŋuŋji jojoko eyareegobi, goineji ore biŋe buŋoine ŋajibi. ¹⁶ Ore eru biŋe buŋo oi maneboŋ, nonji oŋuakon ŋoŋore eru Anutu miteŋ garu gobonŋ, oi so bokebonŋ. Mata. Nonji oŋga wosiru oo manesu ŋabeego.

¹⁷ Manesu ŋaberu Ofoŋnoŋuŋ Yesu Kristore Anutu oi iŋi oŋga wosi eteego, “O Mamanoŋuŋ usuŋ Rauine, go Morogo Tiriine oi Efesus

ogopunononon yareigon. Moro oi manyanonon ruande manjborononon funine mo fukeko Anuture funne fine akon bararanga yareko mane mukunimin. ¹⁸ Anutu, go manyanunde jinjo ba taningande gakere Binjegore funne mane mukunimin.” Anutuji inoyonunde ninjigo gbagbataenine ninjore Sombun Bine usunine kobiineke oi noreinde bunjo kipeme nonjo ya oi bofukeniminde odigaru origanimin ore onga nareya. Oori ebi Yesuji moke fukeko kuririnonononke fukenimin, nonjo senjinbanjin ore funne mane sariganimin ore onga wosiego.

¹⁹ Manesin gakabi Anuture usun sanan qanqanineji mannononon sauero gio baega, oiji soguine yobu tatariine tomiri fukega. Nonjo ore funne mane mukunimin ore onga wosiego. Usun sunsunine qembibiineke oiji sakinononon ketigaru dobe nobeega, Anutuji ore usunine oi inji noduya:

²⁰ Anutuji usunine gioo ruaru Kristo bogboreko komegone pakereko eru ogame Sombun kaeo roperu saine saine roregaru koroino koroino yadureru ropeko Anutuji inoyonunde me furoineo nenje funfungaino ruame naga.* ²¹ Eme morumononon nenjeineo neku yareya sosowore qoronononon dimaga. Nemu mamari sinan eru yonore mea rurumanononon muranononon, koito wawakiine eru gawman kiap ropekiine eru wawakiine usunyanonononke sinan nobeegobi, Kristoji yonore funqodu fukeru sosowo yobu sinan yabeega. Sombun kaeo, morengo eru yokore botugo sinan tina sosowo miyarebi osigagobi, Kristoji

* **1:20:** Kiki 110.1

oi sosowo yadureru ropega. Morende daman yoo akon matayon, jiki daman funine mo fukeko go ropekimin, oo onuakon yareya sosowo sinan garu go ropein.

²² Anutuji iiru, gemo, ninigo eru yareya sosowo oi bawakiru Kristore rurumanjo rua nobeko gobeneŋ Ofonnonon ropekiine fukega. Anutuji Kristo oi mankekerisie kufufun noreru qorunonun dimain ore igodongame goga.* ²³ Injoji keji noberu mankekerisie kubu zioz nonunde qoru fukeko nonun inore forire me kufu sisipu fukegobeneŋ. Kristoji qorunonun fukeru inoyonje akon njo so saganayon, nonun inore me kufupu fukeru inoje jikigabeneŋ foriineji fukeko sagaga. Kristoji onuakon yareya sosowore mobe mo fukeru jikigako sosowo nonun Anuture kuririnoŋunke fukebeneŋ sagaru raega. Onu.*

2

Komegone gboreru Kristoke sananjaru gogobeneŋ.

¹ Ronekon kadi odureru agiburanine agiburanine ebuŋ ore gogo komekiine go wapebuŋ.*

² Nonjo daman oo morende eebobo sembene boyobebuŋ. Gemokaku yonore Koitoji daman yoo Sombuŋ moren botuyakuŋgo goku qoqo-muku ninigo manyanun boburoru sinan yabeega, inoreo qakatoru renjaru gobuŋ.

³ Nonun sosowo onuakon rone yonore bo-tugo keoma eru kosa gobeŋ. Man sakire

* **1:22:** Kiki 8.6 * **1:23:** Kol 1.18 * **2:1:** Kol 2.13

aŋinoŋuŋ sanaŋine sembene boyoberu noŋunde aŋigo gobeŋ. Oŋu kosa gobeneŋ Anutuŋi ɲone nobeme so sagako yombeneŋine painoŋuŋgo ruame gobeŋ. Buŋo qoqomuku ɲiŋigo goine yoŋore so oŋuine Anuture yombende biŋe fukeru gobeŋ.

⁴ Oŋu gobenyoy, damaŋ yoo oŋuine mata. Anutuŋi ɲonemaŋine tatariine tomiri oiji manjoko enoreya. ⁵ Kadi odureru Anutu qopieru ore eru komekiine fukeru gobenyoy, Anutuŋi Kristo bogboreya, noŋuŋ oŋuakon bogbore nobeko sanaŋgaru gogobeneŋ. Iŋore yaunmoririji munan qa ɲareme moke qowiriebuŋ.

⁶ Kristoji pakereya, noŋuŋ oŋuakon wiwi nobeko komegone pakerebeŋ. Anutuŋi Kristo Yesu ogame Sombuŋ kaeo ropeya, noŋuŋ oŋuakon Sombuŋ gogore koro pegobi, oo rua nobeme iŋoke goine siŋaŋ yaberu gogobeneŋ.

⁷ Anutuŋi iŋi ore oŋu rua nobeya: Anuture yaunmoririre rouŋ tatariine tomiri oiji totogo fukeko mane taniŋgakimiŋ ore maneya. Mane taniŋgaru jiki damaŋine damaŋine fuŋine mo fukeko tatariine tomiri go ropekimiŋ, damaŋ oo oi bosogue noreiŋgo maneya. Anutuŋi Kristo Yesu soreme wareru manjokoine oŋu noduya. ⁸ Anutu manesiŋ gabi yaunmoririineji munan qa ɲareme moke qowiriebuŋ. ɲoŋo-ɲaŋe maŋgo ee eku oŋuine oiji so qowiriebuŋyoy, Anutuŋi yauninere eru qowirie ɲabeya. ⁹ ɲoŋo-ɲaŋe ya mo basariga-buŋ ore eru so qowiriebuŋ. Moji mo iŋoyoŋunde saki egu ba ropeiŋ ore eru yaunmoririinere akon oŋu eŋareya.

¹⁰ Noŋuŋ Anuture mequraŋ gogobeneŋ. Kristo Yesuke qakatobeneŋ Anutuŋi maŋ gariine bofuke

noreya. Anutuji bonieru gio fiine fiine roosoeru bomogaya, nonjon oi baku gokimiņ ore onju bo-fukeru noreko gogobeneņ. Onju.

Kristoke qakatoru saki fu moakonj fukegobeneņ.

¹¹ Ore eru Efesus nonjo rone Juda ninjigo so fukeru Anuture kufufunj so gobunj, oi manesuku goinebi. Goineji nonjore inji miku minjareru gobunj, “Ninjo Anuture mogenoņunke gogobeneņonj, kantri goine nonjo ninjigo omaine mogeņanun tomiri!” Tina oi ni meji moge sakinonunjo ketigaegobi, oi manesuku miku gobunj.

¹² Nonjo daman oo man-ņanun Kristoke so kiperu omaine sakiineo gobunj. Kotu moreņ nonjo Juda kufufunj ninjore mobepunonun gobunj. Anutuji ninjigo injoyonunde roosoe nobeko gogobeneņ, nonjo ninjore botugo tinaņanun tomiri gobunj. Anutuji Biņeine ogopuine yareinjo miku bunjo kipeya, nonjo oi so yobu mane mukuru mo gobunj. Senjinbanjin fukeniminde oorinunun tomiri. Anutununun tomiri onjuine moreņgo omaine kosa gobunj. Oi manesuku goinebi.

¹³ Nonjo rone taitai gobunjonj, Kristo Yesuke qakatobi dariineji jure nabeko daman yoo afa-garu Anuture bembenjo wareru gogobi. ¹⁴ Kristo injoyone womo Raunonun fukega. Injoji Juda kufufunj eru kotu moreņ ninjigo kubu yoyoka nonun qodure nobeko boduregobeneņ. Botunonunjo rosi peku sa ruge sananine sariku boroinj nobeya, injoji agi oi odepariko manķekerisie kufufun moakonj fukegobeneņ. ¹⁵ Yesuji injoyonunde moreņ sakiji komeko onjuine oiji Juda ninjore Kadi

bunjo eru ore mimipañ bunjo eru mimiti goine oi ketotieya. Kubu yoyoka qodure noberu kufufun gariine moakonj fukekimin ore oi ketotieya. Ore eru mañ gariine bofuke noreko Kristoke qakato-beneñ botunonunjo womo bofuke noreya.*

¹⁶ Kristoji komeru rosi eebobononun mariponjo qame komeru rakaya. Saki fuine moakonji komeya ore dariineji ninigo kubu yoyoka oga nobeko soine kirieru Anutire manfunjo warekimin. Onu qodure nobeko soine mebobo ekimin. Oi eforeru Kristoke saki fu moakonj fukeru gogobeneñ.*

¹⁷ Kristoji wareru womo fukeinjo ore Biñeine oi kotu moreñ ninigo Anutu nadi gaku taitai gobun, nonore mitaninga nareya eru Juda ninigo Anutire manfunjo gobeñ, ninore moko akon mitaninga noreku goya.*

¹⁸ Kristoji Juda eru kotu kantri ninigo nonun sosowo manjo enoreko Moro Tiriine moakonji kadi noduko soine afagaru Mamanonunde jinjo maio ropekimin.

¹⁹ Ore eru nonjo Juda ninigo matayon, jibu kotu ninigo yayabaine oi so jikigaru gogobi. Anutire kae moreñ rauine gbagbataenine fukebi ninoke moko Anutire mankekerisie kufufun fukegobeneñ.

²⁰ Kajeqoun ninigo yonjoji ronekon Anutire bunjoji otun sikeru igodonjabi Kristo Yesu injoyone wareru otunnonun sanañine fukeru aposol sore noberu qorunonun dimako Anutire mankekerisie sorin fukegobeneñ. Nonjo onuakon

* **2:15:** Kol 2.14 * **2:16:** Kol 1.20 * **2:17:** Ais 57.19

otun oo roperu kikitin nadungadun eku sasanan bofukeegobi. ²¹ Inoji pi oi bojigaru qodureru kipeme dimaega. Nonun Ofonke qakatoru dimaku bodurebenen mamanesinononji sanangaru sogueko Anuture mankekerisie sorin kubaine fukegobonen. ²² Nonjo onuakon Ofondeo qakatoru mankekerisie ogopunonun goine yonoke bodureru moko dimaku man-nanun kitingaku nadungadun eku sasanan bofukeegobi. Onu dimaku Anuture mankekerisie sorin fukebi Moro Tiriine man-nanunjo ruame inoyonje sorin ore manineo goga. Onu.

3

Polji kotu kantri yonoreo raru Biye gio baya.

¹ Funne ore eru Pol nonji kotu kantri ninigo nonjo bapi nabebemin ore gio baku gogo. Onu gobe Kristo Yesure gio babe ore witi pigo rua nubi neku dikanji keru onga wosiego. ² Anutuji yaunmoririine kantri goine nonore boroinga hareme fianiminde gio nareya, nonjo oi foriine mane foregobi. ³ Anutuji bunjo buruine sonsonine bararanga nareru miko mane mukugo, bunjo ore fun qondinine yobu quranga harebon. ⁴ Quranga harebon, nonjo quran oi oseru soine nonde funne inji mane mukuinebi: Nonji Kristore funne sonsonine oi fine akon mane mukugo.*

⁵ Ronere ronekonjo ninigoji fungaru go waperu gobun, yonoji daman oo Biye sumunine ore eru mo gobun. Onuine go wapebunyon, daman yoo Moro Tiriineji oi Anuture aposol eru kajeqoun

* **3:4:** Kol 1.26-27

ņinigo roosiņine niņore miku barariņga noreme manegobeneņ. ⁶ Biņe sumuņine oi iņi: Kristo Yesuji seņģiņbaņģiņ biņe qa noreiņgo miku buņo kipeya, ņoņo oi Juda niņoke sogokoņ sabareku roru gogobi. Bobiaņ Biņeji ore fuņine oi kotu moreņ ņiņigo ņoņore oņuakoņ ņaduega. ņoņo maņ-ņaņuņ kerisieru soine niņoke moko mifiare Biņe so moko akoņ raugaru gogobi. Maņ-ņaņuņ Anutuke kiperu moko Kristore saki fu fukeru niņoke kubu moakoņ dimagobeneņ.

⁷ Iņore usunji nonde maņne boburoko maņne kerisiebe Anutuji yaunmoririine furiine tomiri mo nareya. Oi nareko kadi fukeko Bobiaņ Biņere gio bobo ņi fukeboņ. ⁸ Nonji Anuture kufufuņ gbagbataeņine sosowo ņoņore mea yukuo wawakiine yobu gogo. Oņu gogoyoņ, Anutuji jibu yaunine ropekiine iņiine nareya: Nonji Kristore seņģiņbaņģinde Biņe oi kotu moreņ ņiņigo ņoņore mitaņģabemiņ ore kiwaqawaineke manego. Seņģiņbaņģiņ ore fuņine oi sosowo sikeku mane muku forekimin ore so mata.

⁹ Anutuji ronere ronekoņgo ya sosowo bo-fukeru Biņeine sumuņine kejiņgako ņiņigoji go waperu gobuņ, damaņ oo mo gobuņ. Ore eru nonji Anuture Biņe buru sumuņine oi siņaņ garu gobe foriineke fukeega. Nonji ore fuņine totogo mibe ņiņigo sosowoji mane sariganimiņ ore kiwaqawake manego.

¹⁰ Anutuji maņģboroņine fuņne fuņne fuņine mo barariņga noreme damaņ yoo maņķekerisie kufufuņ kubu botunoņuņgo mimane ebeneņ to-togo fukeru saueega. Anutuji maņ aņiine iņi

maneega: Nemu mamari sinjaŋ eru koito wawakiine mimerereŋ ropekiine eru wawakiine Sombuŋ moreŋ botuyakuŋgo yareya sosowo sinjaŋ gaegobi, yoŋoji oŋuakoŋ Anuture maŋboronŋ oi kaje ruaru maneniminde maneega. ¹¹ Yoŋoji oi manenimiŋ ore Anutuji Biŋe buruine oi ronere ronekoŋgo damanŋ tomiri oo inoyoŋunde maŋgo misanaŋgaru ruame peya. Ore so Ofonŋonŋuŋ Kristo Yesu soreme foriine bofukeko kufufuŋpuine fukeru qodureru dimagobeneŋ.

¹² Kristoke qakatoru dimaku manesiŋ gabeneŋ Anuture mendiji oŋu aŋgame soine inŋore jiŋo maio ropekiminŋ ore koimo dimagobeneŋ. ¹³ Ore eru inŋi karie ŋarego: “Nonŋi witi pigo ŋeku ŋoŋo fianimiŋ ore eru koŋkoŋ maneru goego, ore eru maŋ-ŋaŋuŋ so wakiine. ŋoŋo nonde joiserereŋ ore eru soine kuririŋaŋuŋke fukenimiŋ.” Oŋu.

Polji Efesus yoŋore inŋi oŋga wosiya:

¹⁴ Fuŋne ore eru nonŋi Mamanoŋuŋ dikanŋi keteru oŋga wosiego. ¹⁵ Inŋoji akoŋ mamanoŋuŋ fuŋfuŋgaine fukega. Inŋore so Sombuŋ eru morende kufufuŋ sosowo nonŋuŋ mamare tina oi miku oŋgaegobeneŋ. ¹⁶ Inŋi oŋga wosiego, “Anutu, go Morogo Tiriine rua yabende maŋyaŋuŋji sanaŋgaein. Gore Biŋe usuŋine kobiineke oi tatariine tomiri rouŋgoo pega, go usuŋgo ore so basanaŋ yabeeigoŋ. ¹⁷ Basanaŋ yabende soine Kristo manesiŋ gabi maŋyaŋuŋgo ŋeŋe roru goinŋ. Oŋu gome sorukuŋyaŋuŋ Kristore manŋi jojokoo gbedigaru bodugabi rakako qinŋ keru dimaniminŋ.

¹⁸ Manjokoineji maṅgo eyareko kufufuṅ gbagbataeṅine sosowo yoṅoke soine Kristore manjokore fuṅne mane mukunimiṅ.” Manji jojoko enoreega, manjoko ore so oi inji: Qaṅaṅine mobemobe tatariine tomiri raru bibiega. Joroine arore aroo ra tomirega. Joroine paibere paibeneo ropega. Oṅuakoṅ dikiine yukire yukiineo rakaru pega. ¹⁹ Kristore manjokoji morende mamaneṅunde so odurega. Oi mane forenimiṅ ore inji oṅga wosiego: “Anutu, go kuririquraṅgo sosowo oiji maṅ mamanyaṅuṅ puseru gbogbo ba yareigoṅ.”

²⁰ Anutu oṅu oṅga wosi teru inji ore mitenṅ gaego: Nonuṅ mamane odureru yare oṅga wosiru weunobenṅ me pororo sasako ṅoneru manesunobenṅ ine, injoji ya oi soine basanaṅ nobeinṅ. Anutu usuṅineji maṅnoṅuṅgo gio baega, injoji ore so oṅgawowosi eru mamaneṅunde so oi odure foreru afagaru ya sosowo soine noreeinṅ. Ore eru mitenṅ gaekimiṅ. ²¹ Maṅkekerisie kufufuṅ noṅuṅ tumaṅgaru Kristo Yesure eru Anuturre tinabiṅe mitenṅ gabeneṅ kuririineke fukeru peine. Oi apa ṅasopunoṅuṅ yoṅoji basanaṅgaru tatariine tomiri pe ropenimiṅ, damaṅ oo oṅuine akonṅ kuririineke fukeru peine. Buṅo oi foriine.

4

Kristoji qodure nobeko saki fu moakoṅ fukegobeneṅ.

¹ Nonji Ofonke qakatoru dimaku gioine babe ore witi ṅi fukego. Buṅo oi miforeru maṅ-ṅaṅuṅ buṅo yoji miku bapakarego: Anutuji eebobo

kuririineke eba eku gonimiŋ ore oŋga ŋareya, ore so ŋoŋo gogo fuŋine mo goinebi. ² Maŋ-ŋaŋuŋ ba waki eru buŋo rurumaŋgo raru ŋiŋigo waigo paio eyareku goinebi. Yobiŋ maneku karieru goinebi. Ŋoŋo aimuŋ eru sembenere mobe so bokirieinebiyoŋ, mirimbobo eru manji jojoko eku goinebi.* ³ Moro Tiriineji maŋ-ŋaŋuŋ qojuŋaru womore niginji kiperu qodure ŋabeega, ŋoŋo maŋkikipe oi botuŋaŋuŋgo peiŋ ore yameŋ keku dimainebe.

⁴ Anutuji oŋga ŋareya, oo sogokoŋ seŋgiŋbaŋgiŋ bofukekiminŋ ore oorinŋaŋuŋ moakoŋ oi akoŋ ŋareme odigaru gogobi. Ore so ŋoŋo oŋuine akoŋ Kristore fori saki fuine moakoŋ fukebi Moro Tiriine moakonji dobe ŋabeke goinebi. ⁵ Ofoŋnoŋuŋ moakonji siŋaŋ ŋabeke sogokoŋ manesiŋ gabi miti meso moakoŋ oi akoŋ rau ŋarebi moko fukeru gogobi. ⁶ Anutunoŋuŋ moakonji sosowo mama enoreega. Injoji ya sosowo yobu nodureru Ofoŋnoŋuŋ ropekiine fukeega. Oŋu fukeru miine reŋgakiminŋ ore sosowo bapakareru dobe noberu maŋnoŋuŋ so ŋeŋe gogo enoreega.

⁷ Ore so sogokoŋ Kristore saki fu moakoŋ gogobeneyoŋ, Kristoji yaŋmoririine maŋ aŋiinere so kese noreya. Gio bobore mamane yaŋ fuŋne fuŋne oi moakoŋ moakoŋ sonoŋuŋgo boroiŋga noreko gogobeney. ⁸ Ore buŋoine oi inji mime Biŋe Quraŋgo pega, “Injoji paibe roperu dimaku witi ŋiŋigo kokoine oga yabeke biŋepuine fukebi yaŋine

* **4:2:** Kol 3.12-13

yaunine oi n̄iṅigo noṅunde noreya.”*

⁹ “Paibe ropeya,” Anutuji buṅo oi uruṅure miya? Ore funine oi ini: Kristoji rone Sombuṅgone wakiya. Oi moreṅ dikiineo yukibe rakaya. ¹⁰ Rakaya, iṅoji oṅuakon kirieru paibe ropeya. Roperu Sombuṅ kaere koroine sosowo yadureru paiineo paibe roperu goga. Oo goku Sombuṅ eru morende yareya sosowo oi usuṅineji pusegaru sosowo saga foreko goga. ¹¹ Kristoji n̄iṅigo noṅunde mamane yaunine fune fune ini boroiṅga noreya: Gioine boroiṅga noreko goineji sosore n̄iṅigo qoruine (aposol) fukebuṅ. Goineji kajeqouṅ n̄iṅigo (profet) fukebuṅ. Goineji maṅbapakare n̄iṅigo (ewanjelis) fukebuṅ. Goineji n̄irau pasto eru qaṅaji fukebuṅ.

¹² Kristore saki fu oi maṅkekerisie kufufunpuine. Niṅoji yoṅore maṅ kitiṅgabeneṅ sasan̄ bofukenimiṅ ore gioine oṅu boroiṅgaru igodon nobeya. Kufufun gbagbataeṅine noṅun sosowoji mande gio bakimiṅ ore jaue foreru gokimiṅ ore eru oṅu basanaṅ nobeya. ¹³ Oṅu oṅu gio furuine furuine baku goku Anutu manesiṅ garu jiki Madeine mane mukuku oiji qoṅodure eku moakon fukeru dimakimiṅ. Anutire mamane eru kuriri yaine sosowo oi kokoiineji Kristoreo pega. Niṅoji Kristore rouṅgone mamaneine eru usuṅine porebeneṅ gbogboba nobeko sogueru saueru sanan̄garu gobeneṅ kuririine kese noreko sosowo fukeko gokimiṅ.

¹⁴ Jikigaru namade oṅuine egu gokimiṅ ore

* **4:8:** Kiki 68.18

Kristoji maṅnoṅuṅ bapakareru iṅoyoṅe oṅuine kuririnoṅuṅke fukekiminṅ ore dobe nobeega. Namade oṅuine gobeneṅ penaronṅ ṅiṅigoji buru oi me oi ruaru gbedigaru kepore norebi rondoṅgaru waki nobeya, ṅoṅo ore so fukeru kosa egu goniminṅ. Gbinji poporinṅ oruṅoruṅ keko koeji kuku-gako siriji yaurasa kosa ogagaru raqo-wareqo eru siombenṅsaombenṅ eega. Ore so moreṅ ṅiṅigoji sakigo rurua eru qouṅ baku mamane eaduineke bofukeru ṅiṅigo kosa qaji yarebi tiṅtuṅ eegobi.

¹⁵ Ore so kosa so goinebiyoṅ, buṅo foriine akonṅ damanṅ so miku jojoko naduṅgadunṅ eru goinebi. Oṅu goku Kristoji qorunoṅuṅ fukega, sorukuṅaṅuṅ iṅoreo gbedigabi rakako qinṅ keru ya sosowo oo sogueru sananṅaru kuririnaṅuṅke fukeru goinebi. ¹⁶ Kristoji qorunoṅuṅ fukeru iṅoyonṅunde saki fu nonṅuṅ sosowo siṅaṅ nobeko ruaine sosowoji saki fuine eru me kufuine jiki-garu kiperu qodure norebi moko fukegobeneṅ. Usunṅ moakonṅ moakonṅ pe norega ore so gionoṅuṅ baku kitiṅgaru manji jojoko naduṅgadunṅ ebenenṅ foriine saki fu oiji sananṅaru sogueega. Oṅu.*

Tatamare eebobo gariine eba eku goinebi.

¹⁷ Oṅu fukegobeneṅ ore nonji Ofonde mi baru siṅaṅ bobo buṅo inṅi mibe mane mukuinebi: Maṅkekerisiere yaura ṅiṅigo maṅ mamanyaṅuṅ jibugame yau oṅuine fukeru omaine yobu kosa goegobi, ṅoṅo yoṅore kamasi sembene oi so jiki-garu eba eku goinebi. ¹⁸ Maṅkekerisiere yaura ṅiṅigo yoṅore maṅ mamaneji qisiri eko Anutuke gogore jijibu eku jibugagobi. Mamane sembeneji

* 4:16: Kol 2.19

manyananun kebojiru gigaya ore eru qaqouma eru mutu gogobi. Ore eru Anuture gogo sananineo so qakatoegobiyon, yonoyone akon kosa yobu gogobi. ¹⁹ Sinyananun so sisanan ebi manyananun kejiga foreko mimi dariineke maneru gogobi. Manyananun boesauji kiperu keboji yabeme ya onuinere kosa jerieegobi. Ya roku rokiminde ebu eru sase eegobi.

²⁰ Yonoji onu eegobiyon, nono Kristoke gogore fune oi onuine so qaji harebi manebun. ²¹ Nono bunjo foriinere Rau Yesuke qakatobi ore so fune qaji harebi foriine inji mane mukubun: ²² Rone eebobonanun ranbanine boyobebi aninanun sananine sembeneji sinefuru enareme sisibiri ee einjo ebu. Kadi qaji harebi manebun, ore so man-nanun ranbanine bomukuru bokeru ndi gainebi.*

²³ Man mamanananun bogborebi gboreru goinebi ore kadi qaji harebun. ²⁴ Anutuji nonun inoyonunde mosire so gbagbataenine fukeru sananganu gokimin ore bofuke nobeya. Man gariinere gogo posine boyobekimin ore rua nobeya. Ore eru man gariine oi akon bio kebi rakako goinebi. Kadi oi onu qaji harebi mane mukubun.*

²⁵ Kadi onu peko nonun Kristore saki fu moakon ore manineo kakagbo onuine jikigaru oogo fukeru gogobenen. Ore eru bunjo ikoine oi bomukuru bokebi rakame botunanunjo bunjo foriine akon sosowo mimane eku goinebi.*

* **4:22:** Kol 3.9 * **4:24:** Jen 1.26; Kol 3.10 * **4:25:** Zek 8.16

²⁶ Kanegaru yombenḡo enimin ine, jibu agiburan so einebi. Maḡ-ḡaḡuḡ riganḡain, buḡoḡaḡuḡ oi pipa wegi jinḡoji so tariru rakame mitaribi posikeine.* ²⁷ Oḡu Sembene Rauineji botuḡaḡuḡo egu wapein ore keperu daman mo so oteru pipa yobeinebi.

²⁸ Moji kian bobo goya, inḡoji oḡu moke so eine. Oḡu matayon, inḡoyonunde meji gio yameḡ keku baku goine. Gio baku inḡoyonunde uḡo meboine bofukeru soine afagaru ninḡigo wakiqoqoine kitiḡ yabeeine.

²⁹ Buḡo sembeqambe mo miḡaḡuḡgone so wakiineyon, buḡo ninḡigo maḡyaḡuḡ kitiḡgaku basanaḡain, ḡoḡo oi akon miku goinebi. Ninḡigo buḡoḡaḡuḡ maneru maḡyaḡuḡ pega ore so uḡsowonde embimḡagobi, ore so kajeqouḡ buḡo yarebi aniine maneru fianobuḡ. ³⁰ Anutuji biḡepuine duenoḡuḡ bako Sombuḡo ropekimin, daman ore moge sanaḡine qakato ḡabeko maḡ-ḡaḡuḡo rakaru Anuture moge fukega. Ore eru Anuture moge Moro Tiriine oi beusembe so qa teinebi.

³¹ Noḡo maḡmoki eru maḡgigi sosowo oi qomukuru bokebi jorigo ḡeine. Manjoji so boruḡgaru ja ḡabeko maḡ-ḡaḡuḡji jigo qaku kakane keku egu mimi einebi. Oḡuakon ḡadiqoqo buḡo fofoine oi so miinebi. Wuwunuḡ fuḡne fuḡneji maḡ-ḡaḡuḡ egu kebojigain ore oi sosowo ḡadi gabi jojorigo peine. ³² Jojorigo peineyon, oogo eku kekemirin eru waigo paio ee eru

* **4:26:** Kiki 4.4

goinebi. Kristoke qakatobi Anutuji agiburaṅ-ṅaṅuṅ bokeru jure ṅareya, ṅoṅo ore so jikigaru agiburaṅ-ṅaṅuṅ boboke eru goinebi. Oṅu.*

5

Anuture tatamago gogo oi iṅi:

¹ Anuture yoro odumadepu fukegobi ore eru eebobaṅaṅuṅ yameṅ keku Anutuji eega ore so eku boyoberu goinebi. ² Kristoji manjoko enoreru gogoine niṅore eru kisingaru bokeya. Boji rigabi konduṅineji ropeeya, Anutuji ore so Kristo gogoinere yaṅ oi mane sabareko kouine mumundoneke oṅuine fukeru iṅore jiṅoo isirigame jerieya. ṅoṅo oṅuakoṅ manji jojokoo dimaku Kristore so manjoko naduṅgadunṅ eru eba eku goinebi.*

³ Boesau eru wuwunuṅ fuṅne fuṅne me ebure (greedy) mosi oi Anuture jiṅoo so sagaga. Ore eru Anuture ṅiṅigo gbagbataeṅine fukegobi ore so ya oṅuinere buṅo mo oi botuṅaṅuṅgo so bouaku mibi maneinebi. Mata yobu!

⁴ Sio eku igosisi eru buṅo sembeqambe mamagiineke eru buṅo rerekaine oi so miinebi. Oiji maṅ-ṅaṅuṅ kebojigako so sagaga. Ore eru oi boke foreku mimiteṅ buṅo misaueku goinebi.

⁵ Buṅo koruṅ yo mane komeinebi: Moji boesau me wuwunuṅ me ebu fukeru yare sase eega, iṅoji Anuture qorumaṅ oi raugaṅgo embimbiṅgaiṅ. Eebobo oiji nemu ikoine me nemu gboṅ miteṅ yabeegobi ore kamasi fukega. Oṅu ega,

* **4:32:** Kol 3.13 * **5:2:** Eks 29.18; Kiki 40.6

injoji Kristo eru Anutu yokore qorumanj maņineo ropeinjo embimbinjainj.

⁶ Anutuji agiburanj onjineru eru kanegaru yombenine buņo qoqomuku njinigo yonore paio ruame ropeega. Ore eru moji buņo omaine onjine miku jiji eru kepore naberu egu eadu nareinj. ⁷ Ore eru njinigo onjine nadi yaberu yonoke anibanj so goinebi. ⁸ Rone qisirigo gobunjon, damanj yoo Ofonke qakatoru dimaku injore tatamake gogobi. Eebobonanjun tata-mainere binje fukegobi ore so eba eku goinebi. ⁹ Tatamare binje fukegobi ore touņmoririine fori-ine oi inji: Nono eebobo fine boyobebi Anutuji buņonanjun mitariko posikeniminj eru buņo fori-ine yobu oi akonj miku goniminj. ¹⁰ Wamo ya Ofonde jinjo maio sagain, ore funjine baaru osoeru mane mukuinebi.

¹¹ Qisirire eebobo abutaine eru baegobi, yonoke anibanj so jikigaru goinebi. Yonore sembene oi bararinja yareru tatamago ruaru miyareinebi.

¹² Goineji agiburanj sonsonjo baegobi, oi totogo mibeneņ mimiineke egu fukeinj. ¹³ Anuture tatamaji agiburanyanjun sosowo batamaeko funneyanjun foriineji totogo fukeinj. ¹⁴ Tatamare Rauji sonsonj yaine sosowo bararinja yareko tatamago fukeru peinj. Ore eru buņo mo inji mibi pega,

“Kuban pege, go manjo gboreko mane.

Go komegone gboreru pakerende Kristoji batamae guinj.”

¹⁵ Buņo ore so eebobonanjun oi manjboronke eba eku goinebi. Mutu fukeru kosa egu goniminj ore nono fine akonj sisanj eku goinebi. ¹⁶ Damanj

yoo damaŋ sembene fukega ore eru mande gio bakiminde kadi mo fukeiŋ, damaŋ oi so bojibukaku sibirigainebiyoŋ, ŋiŋigo keririŋyaŋuŋgo raru waigo uŋsowoŋ eyareinebi.* ¹⁷ Ore eru ŋi maŋyaŋuŋ tomiri oŋuine kosa so goinebiyoŋ, Ofonde maŋ aŋi oi fiine akoŋ mane taniŋgaru dimainebi.

¹⁸ Wain obu sanaŋine noku maŋjijibu so einebi. Ŋoŋo-ŋaŋunde aŋigo gobi mamananyaŋuŋ sembeneji fukeko qisiri gogoo kemukuru rakaru egu sibiriganimiŋ. Ore eru bobojibu so einebiyoŋ, Moro Tiriineji maŋ-ŋaŋuŋ puseinde yameŋ keku dimainebi. ¹⁹ Ŋoŋo Biŋe buŋo mimane eku miti kiki (Buk soŋ), mimitenŋ kiki (owaowa) eru mande kiki goine oi maŋ wombun-ŋaŋuŋgo keku Ofonŋ miteŋ gaeinebi.* ²⁰ Oŋu me oŋu fukeko ore eru Ofonŋonoŋuŋ Yesu Kristore tina oŋgaku Mamanoŋuŋ Anutu jijiki daŋge miteku goinebi. Oŋu.

Ŋoe ŋonoŋ yoŋore uŋsowoŋ buŋo

²¹ Kristore mi egu odurenimiŋ ore kokoiŋaŋuŋ maneru botuŋaŋuŋgo buŋo rurumaŋgo rakaru goinebi.

²²⁻²³ Kristore saki fu oi maŋkekerisie kufufuŋ. Inoŋi ore qoruine eru Munanŋoŋo Rauine fukega. Ore so ŋiji oŋuakoŋ ŋonoŋinere qoru fukega. Ore eru ŋigo ŋoŋo Ofonde buŋo ruru- maŋgo rarare so ŋoŋo-ŋaŋunde ŋoepu araŋ ba yareru buŋoyaŋunde rurumaŋgo raru goinebi.*

²⁴ Maŋkekerisie kufufuŋ noŋuŋ Kristore buŋo

* **5:16:** Kol 4.5 * **5:19:** Kol 3.16-17 * **5:22-23:** Kol 3.18; 1 Pi 3.1

rurumaŋgo dimagobeneŋ, ore so ŋigo ŋoŋo oŋuakoŋ ŋoepuŋaŋuŋ yoŋore buŋo sosowo boy-obeku goinebi.

²⁵ Kristoji iŋoyoŋunde maŋkekerisie kufufuŋ manjoko enoreru noŋunde ore gogoine useru kisiŋgaya, oŋuine ŋi ŋoŋoji oŋuakoŋ ŋonuŋpuŋaŋuŋ manjoko maŋyauŋ eyareku goinebi.* ²⁶ Kristoji maŋkekerisie kufufuŋine Biŋe buŋoineji roosoeru ŋigo biŋeine gbagbataeŋine fukekiminŋ ore obu oŋuine oiji jureru bofosike nobeya. ²⁷ Iŋoji noŋuŋ momoŋine posiine yobu fukekiminŋ ore maneru maŋnoŋunde gara bofosikeru jukuwi yauine tomiri fukekiminŋ ore yameŋ keega. Kufufuŋ gbagbataeŋine bakare buŋonoŋuŋ tomiri fukekiminŋ ore maneega. Kristoji wareru oga nobeko kuririquraŋineo paibe ropebeneŋ jojoriŋineji igoko tamaeru ŋigo biŋeine oŋuine iŋoyoŋunde jiŋo maio rua nobeko kuririnoŋuŋke eru ŋone aŋinoŋuŋke dimakiminŋ.

²⁸ Ni ŋoŋo oŋuakoŋ Kristore kamasi oi boyoberu ŋonuŋpuŋaŋuŋ manji jojoko eyareru goinebi. Nonuŋine jojoko eteega, iŋoji iŋoyoŋe sisiŋaŋ eega. Ore eru ŋoŋo-ŋaŋunde saki fuŋ sisiŋaŋ eegobi, oŋuine oiji ŋonuŋpuŋaŋuŋ siŋaŋ yabebi sagaiŋ. ²⁹ Moji mo iŋoyoŋunde saki fu damaŋ mogo rosi so eteyayoŋ, sosowo noŋuŋ saki funoŋuŋ gumeru siŋaŋ gagobeneŋ. Kristoji oŋuakoŋ maŋkekerisie kufufuŋpuine noŋuŋ saki fuine oŋuine buŋoineji gume noberu siŋaŋ nobeega.

* 5:25: Kol 3.19; 1 Pi 3.7

³⁰ Mañkekerisie kufufuñ noñuñ Kristore saki fuine fukegobeneñ. Noñuñ Kristore saki fure me kufupu fukeru gogobeneñ. Ore eru gume nobeega. ³¹ Biñe buño mo inñi pega, “Ore eru ñiji maño mamaine boke yaperu ñonuñineke qakatoru yoyoka yokoji sakimoakon fukeru gonimi.”* ³² Buño oi soso buño sumuñine. Oi Kristo eru mañkekerisie kufufuñ noñunde mañ jojokonoñunde miku qurañgago. Buño buru ore fuñine oi sumuñine eru dikisiaine rakakiine. ³³ Oñu fukegayoñ, ñoñore buño oi inñi migo: Noño moakon moakon oñuakon ñonuñpuñañuñ ñoño-ñañe sisiñañ eegobi ore so manñi jojoko eyareru goinebi. Nigo ñoñoji oñuakon ñoepuñañuñ aran ba yareku goinebi. Oñu.

6

Odumade eru mañgomama yoñore mañkikipe

¹ Odumade ñoñore eebobo poretiñ oi inñi: Noño Ofonke qakatoru maño mamayokañañuñ yokore mi reñgaru boyoberu goinebi.* ² Anutuji mimipañ buño 1-2-3 ore tatariineo furiine noreiñ ore so miya pegayoñ, mimipañ buño jare 4 oi kikipe buñoineke. Rone inñi miga, “Maño mama yokago aran ba yateru goigoñ.” Buño oi reñgabeneñ Anutuji ore furiine noreinde buño inñi kipeme qurañgabi pega,* ³ “Arañ ba yatende Anutuji touñmoriri gareko jikigaru moreño damañ joroine go ropemiñ.”

* **5:31:** Jen 2.24 * **6:1:** Kol 3.20 * **6:2:** Eks 20.12; Dut 5.16

4 Odumadepuñanun aariyanunke egu fukeminiñ ore mama ñoño buñoyanun so odureru so keporeru kane yaberu goinebi. Onu matayon, Ofonde Kadi buño reñganimiñ ore qaji yareru ore so botiñ yabebi soguenimiñ. Onu.*

Kiñanqoqo eru siñan ñoñore unñowon buño

5 Kiñanqoqo ñoño moreño siñanpuñanun yonore buño Kristore buño onuine reñgaru migoba so eku goinebi. Buñoyanun egu odurenimiñ ore sombuñanun maneru gburugburu qaku goinebi. Mañ-ñanunji kiko so einebiyon, ñoño qin keru dimaku eba eku goinebi.* 6 Raupunanunji kukurere qoru fukebi ñiñigoji ñone añi enarenimiñ ore matayon, maigambaran bokero mañ-ñanun gíoo ruaru baeinebi. Onu eru Anuture mañ añi boyoberu Kristore kiñanqoqo onuine fukeeinebi. 7 Moreñ ñiñigo kiñan qa yareru onuine oiji Ofon inoyone kiñan qa teegobeneñ. Onu maneru gionanun Ofonde jinño maio sagain ore so beufineke baku goinebi.

8 Buño yo maneinebi: Ñoñore botugo goineji gio rauine gogobi eru goineji raupunanun oi furiyanun tomiri omaine kiñan qa yareku wawakine gogobi. Oi jibu uri yonoji gio fiine oi me oi baegobi, Anutuji ore furiine ñareme raugabi biñenanun fukein. Buño oi manesuku goinebi.

9 Raupu eru kiñanqoqo ñoñore Ofon moakon inoji Sombun kaeo goga. Inoji ñiñigo goine so ñone añi yaberu goine so sure yabeegayon,

* 6:4: Kol 3.21 * 6:5: Kol 3.22-25

so moakonji osoeru buṅonoṅuṅ mitari noreiṅ. Siṅaṅ ṅoṅo oi mane mukugobi ore kiṅaṅqoqo ogopuṅaṅuṅ yoṅoke damaṅ so maṅmoakonṅ eru so moakonṅ eyareku pore kane so eyareku roroa bokeru goinebi. Oṅu.*

Anuture eriṅarawenṅ sosowo roru goinebi.

¹⁰ Quraṅne quraṅga forebemiṅgo eru buṅo iṅi quraṅgago: ṅoṅo Ofonṅke qakatoru dimabi usuṅine yasogoji dobe ṅaberu kitiṅ ṅabeko sananṅgaeinebi.

¹¹ Sembene Rauineji sakigo ruruare mamane buru fuṅne fuṅne eega, ṅoṅo oi maigaku sananṅ qanṅqanṅine dimakimiṅ ore Anuture eriṅarawenṅ sosowo roru kebi rakako goinebi.

¹² Niṅoji moreṅ ṅiṅigo dari fuyaṅuṅke yoṅoke jigo so qaegobeneṅyoṅ, nemu mamari siṅaṅ eru kue gbiṅ sembene sembene kiso eyarekimiṅ ore dimagobeneṅ. Nemu mamari siṅaṅ sembene moreṅ qonikiṅ botuyakuṅgo morumbonṅ ṅeṅeyaṅuṅgo ṅeku koito oṅuine siṅaṅ gaegobi, oi qomukuru igoga yabeegobeneṅ. Oṅuakonṅ koito muraṅine qaṅaji ropekiine eru wawakiine botunoṅuṅgo qisirire gemo qorumaṅinere ṅi yoine goku yareya sosowo siṅaṅ gaegobi, niṅoji yoṅoke jigo qaegobeneṅ. ¹³ Ore eru kiso eyarekimiṅ ore ṅoṅo Anuture eriṅarawenṅ sosowo roru kebi rakako dimainebi. Oṅu dimabi rosipuṅaṅuṅ damaṅ sembeneo yabekimiṅ ore porata wapeeniṅ, damaṅ oo soine afagaru jigo qaku ode rondiṅ yabenimiṅ eru jigo qabi tariko soine kae moreṅ-ṅaṅuṅgo osiṅgaku dimanimiṅ.

* **6:9:** Dut 10.17; Kol 3.25; 4.1

14 Eriqarawen-ŋaŋuŋ oŋuine oi keinebi: Buŋo foriine akon mikiine oi bifuŋ oŋuine goyoŋ-ŋaŋuŋgo kiperu dimainebi. Eebobo posiine sari oi omoŋaŋuŋgo maro mariku oŋuine keku dobu kikipe eru dimainebi.* 15 Kufu komon keru soine qin keru oderu raegobenen. Ore so ŋoŋo womore Biŋe misauenimiŋgo jauebi oiji maŋgo eŋarein.* 16 Eriqarawen oike jikigaru garikin qoruine tinaine mamesin oi raugaru jijiki ru-beru dimaeinebi. Sembene Rauineji iga noberu joisereren noreiŋgo maneru tebe damuine botigaega, ore eesoi joine sosowo maro oiji kepieku sasabare einebi.

17 Anuture Munanqoqo Rauine oi biŋe gaku raugainebi. Raugabi biŋeŋaŋuŋ fukeko moke qowirienimin, babaan oiji qoruŋaŋuŋ aen du oŋuine kebi kefagaru sabare ŋabeein. Moro Tiriineji jigore siqo sogo norega, oi Anuture Biŋe buŋo. Oi oŋuakon raugaru maŋ wombun-ŋaŋuŋgo ruaru jigo oiji qaeinebi.* 18 Eriqarawen-ŋaŋuŋ sosowo oi keku damaŋ so Anutu oŋga wosiru weweu eku goinebi. Moro Tiriineji sako ŋaberu dobe ŋabeega ore so karieku kuyo teeinebi. Ŋoŋo damaŋ so maŋgari goku jijiki Anuture ŋinigo gbagbataenine sosowo yoŋore eru yamen keku oŋga wosieinebi.

19 Nonde oŋuakon inji oŋga wosieinebi, “Anutu, go buŋo korun poretin Pol otende gore Bobian Biŋe sumuŋine oi buŋo miineji miin ore so mitaniŋgaru koimo akon dimaku maŋbapakare eyareeine.” 20 Nonji Bobian Biŋe ore eru Anuture

* 6:14: Ais 11.5; 59.17 * 6:15: Ais 52.7 * 6:17: Ais 59.17

minebobo ɲi qoruine fukegoyon, gioine baego ore eru daman̄ yoo witi pigo ɲego. Ore eru Biɲe buɲo oi Anuture jiɲo maio sagain̄ ore so koimo akon̄ miku gobemiɲgo ore on̄ga wosiru goinebi. On̄u.

Momojo buɲo tatariine

²¹ Yoro ogone Tikikus iɲoji nonde binaɲ bako manenimiɲ. Iɲoji Ofon̄ke qakatoru gioine bose-gosembeine tomiri baega. Yoo uruɲu eba eku ɲeegobeneɲ, oi sosowo ɲajiko ɲon̄o on̄uakon̄ oi manenimiɲ. ²² Niɲoji uruɲu ɲeku gogobeneɲ, ɲon̄o binaɲ oi manenimiɲ ore Tikikus sorebe Efesus ɲon̄oreo foiɲ. Iɲoji foru bomiriɲ ba ɲareko soine waigo gonimiɲ.

²³ Mamanon̄uɲ Anutu eru Ofon̄ Yesu Kristo yokoji man̄kekerisie ogopunon̄uɲ ɲon̄o womo baku man̄ji jojoko en̄areru mamesiɲ-ɲaɲuɲ ba sanan̄gaeine. ²⁴ Niɲigo Ofon̄on̄uɲ Yesu Kristo daman̄ tatariine tomiri man̄joko eteru gonimiɲ, Anuture yaun̄moririji sosowo ɲon̄oke pe ropeine. On̄u.

**Mankekerisiere Bine Quran Jojofa Gariine
The New Testament in the Mape Language of Papua
New Guinea**

Nupela Testamen long tokples Mape long Niugini

Copyright © 2008 The Bible Society of Papua New Guinea

Language: Mape

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-24

PDF generated using Haiola and XeLaTeX on 11 Nov 2022 from source files dated 9 Oct 2020

8278cae8-b7ff-5cfb-8118-7ef9b429ffd9